

Ma'yarrñapa' čho' e'mapanña tañpa' ahuepa'to' pon-
mapana tañ. Taññapa' ahuo' a'tapos tsacho. Allo'
chopyen mampuer shonte'. Taññapa' amo' entapano-
ña ma'yarr. E'ño' alla'tsoťa tanta ma'yarr.
Ahuo'čho' ete ahuo' jongatsetnoma ma'yarr, ahuo'
mata toponet.

Ahuepa'to' camrosa toño. Taññapa' ahuo'
carga'huerranña ellappa' ahuo'čho' erret allo'
entueret toño. Taññapa' ahuo' yopue'. Allo'
rroma. Tañpa' ahuo' enatner ahuo' aner pocollo.
Ma'yarrñapa' nanaco' atarr año' muevo. Ahuo'
čhapater pocollopa' ahuo'čho' nohuer allpono.
Taññapa' ahuo' yoroñ poyočher.

Allempoñapa' tañpa' ahuo' tsachet allcha'
chamuet ma'yarr. Allempoñapa' ahuo'čho' shontan-
ña tañ tsach. Allempoñapa' ahuo'čho' a'toret
tso' all. Ahuo'čho' corraña tso'pa' ahuo'čho'
chamuet ahuo' corrampsaña ma'yarr. Taññapa' allo'
cohuenan ma'yarr allotñapa' o'ch poyua. Ahuo'čho'
poyuapa' ahuo' cačhpa'ner ahuo' e'ñe poyua.
Poyočhernapa' allo' neñ shelleto. Attoťapa'
ahuo' ellerren ahuo' tsapuen ahuo' meramerta.
Añña ma'yarr poyočherpa' ahuo' tecorame'ta alla
shelleto, attoťapa' ahuo' manrrenet, attoťapa'
ahuo' puetaren. Taññapa' ahuo' chama'muenan
ma'yarr poyočher.

ahuo' e'mapuenet atsrre'mñať huena nanaco' yorenet.
Čho' otet: —Ñerra' be'ťosuen o'ch entueney čhach
motsanatueneý.

Añña atsrre'mñať ñapa' ahuo' entuenan seř ahuo'
tacillapona'tueñ año' cohuana'che ahuo' huocranña
atsrre'mñať. Ahuo' motse rre' allohuahuen tsopayes
po'rras e'ño' rrohuan pats. Ahuo' rrohuan atsrre'm-
ñať ahuo' matena. Čhaťe' otapañ ñeñťaťe' o' rro-
huanen ñeñť esho'tetsa o'pono mapuetpono.
Ahuo' rrohuanenan añ atsrre'mñať, ahuo' matena seř.
Añña achen nanaco' coshet o' matena seř, ñařa o'
rroma atsrre'mñať. Ama a'yofe'tsenñe seř amaťe'
esesha' motsaye atsrre'mñať, ñerra'm o'ch be'ťosue-
rreñ atsrre'mñať o'ch entuerranetañ čhaťe' motsana-
tuenanetañ atsrre'mñať.

Allempo ahuo' huañet puerrar añña yacmapa'
ahuo' otan po'čh: —Allařach, napa' o'ch ahuen
ne'nena' yerrar, ñerra'm amaťe' es yerro.
Añña yacmapa' ahuo' otta ñerra'm atsrre'mñať.
Allempoñapa' ahuo' čha'nom arroroťoť ahuo' montana
caball ahuo' coťan řoñ, coťenan řoñ, atťeñapa'
ahuo' čhap pocollo, shonto' atsrre'mñať ahuo' otosa-
net: —O'ch sepreparon atarr-rrogo coyřo rreñets.
Ahuo'čho' preparahuoñet rreñets ahuo' apet. Ahuo'
monterra po'caballoro ahuo' anerran rreñets.
Ahuo' čherr alloť on ahuo' sohua'huerra, ahuo'
be'ťosuerr. Ahuo' otuerran po'čh:

—Te' añ rreñets ñeñťach errponmat yerra'.

alloch nan coyanesha'. Año'ch pore'ten shepan
ñeñto'ch rratenan coyanesha'.

Atfofa paferr char ahuo' cheyore'tatan coya-
nesha'. Mapueto'ch nenan poſapor atarro'ch eten
año'ch yorayen plato ñaña cochell, cuchara, coyem,
taza. Ñeñto'ch yorayen. Allempo cheyore't
poſapor año'ch yorayen pañal, ca'mramuets, ñeñ-
to'ch apa'yenan poſapor. Atarro'ch oteñ poſapor
yorenanepa'to' tso', orranpa' año'ch eñoteñe.
Ahuo'ch och poſapor: — Tarrcha' pena'. Año'ch
eñoteñe. Atfofañapa' ahuo' eñoch.

Atfofñapa' ahuo' eñotnoma puechemer erra sen
chocmo'ch rrorraque'chen, atfo'ch peñ. Atfofañapa'
coyanesha'pa' atarro' secherra o'ch ahuerr allof
on.

Añña allo'no' sen rrorrats orran puechemer.
Atfeña ahuo' eñota puechemer atarro'ch yonsame'-
tenan pomp por rrorraque'chameñ. Atfofañapa'
ahuo'to' yorampesuamochan pomp por po'huamenc.
Erra sen pomp por año'ch forrena puerta ñato'
ahuo'ch huapore'ch.

Pamfarr ahuo' forrame'teñer ahuo' sheratsſpan
puerta ahuo' pellach. Tsapañapa' ahuo' ahuenerr
pomp por etats ahuo' quellarame'tenanerr puerta,
allofñapa' ahuo' mone' huapore'ch. Pomp orñapa'
ahuo' enchet ahuo' chenca' huanma a'yo, ahuo' otan
pachor: — O'ch ſa'lllestena o'ch ahueney.